

**“Jesu Klisti dopolo to osọ, egbé, mọwẹ podọ kakadoi.”**

(Heblu 13:8)

## **OWÉ HE YÈ TO MIMÁPE LỌ (APAWHÉ ŞINATỌNTỌ)**

### **CIRCULAR LETTER June 1976**

Gbọn Nọvisunnu EWALD FRANK dali 1976-06

Ehe yè dọ to osùn şinẹnẹtọ, owè fọtón-fẹnẹ-kènne e lán fọtònnukun-dopotọ (1976) tọn mẹ

Mẹwivẹ nọvisunnu po nọviyọnnu lẹpo to Oklunọ mẹ, Oyín vivẹ Oklunọ Jesu Klisti tọn mẹ wẹ yẹn to núdodo mì te po ayiha şie lẹpo po. Na mí to núhe Jiwheyewhe to wiwà lẹ mọ po nukun mítọn lẹpo po. Podọ aliho he É to azónwà po Omẹ Etọn lẹpo gbọn tin to hinhónnu hézéhézé, bo sọ tindo tadèna sọmọ bọ, mēdepope he tindo nukun etọn lẹ hùnhùn do nuvò, ma sọgan juwàyi gbọn fiñe matin azọn lẹ lọ mimọ gba. Enẹwutu, Mēhe fónsọn oşio lẹ mẹ lọ gbésọ to didohia egbé dọ Ewọ lọ wẹ Mēhe togbẹ to Omẹ Etọn lẹ mẹ. Na Ewọ nọ dọhó bo sọ nọ wà e, mọwẹ É sọ nọ do Ohó Etọn hia po ojlo Etọn po. Whenẹnu mí sọgan dọ nùmakú dọmọ: “Mì ni yọnẹn dọ Oklunọ nọ plán omẹ wiwé Etọn lẹ!”

Do ayi e go, mí nọ tónsọn hinhón de mẹ biọ devo mẹ, sọn nuyọnẹn de mẹ biọ devo mẹ, podọ to enẹ mẹ, alọdotena de matin gba. Podọ mí sọ yise dọ to nukọn mẹ, alọdotena de ma nasọ tin gba. Na dẹnşolé eyín dọ Oklunọ Lọsu wẹ to pinplan, onú lẹpo na gbésọ to nukọnyi. Podọ whenuena eyín dọ Ewọ lọ wẹ to pinplan, onú lẹpo na tónsọn awhàngbigba mẹ biọ awhàngbigba mẹ. Whenẹnu, mí dóna yọnẹn dọ, azọn Etọn wẹ, bọ mí nasọ hia mí delẹ jẹ di azónwàtọ Etọn lẹ to vlẹkẹşi de mẹ. Na to Klisti mẹ, Jiwheyewhe şẹ po núdidá yóyó de po (OSQHIA 3:14), din-

vie, to owhèta Agùn Laodikea ɬon ɬon mɛ, núdidá wiwé he lɔ dóna mɔ opòdo etɔn yí. Na azón Jiwheyɛwhe ɬon ko wá vivonu wutu.

Enɛwutu, mí ma nɔ zé whenu lɛ kavi ojɛ lɛ dai na mí delɛ gba, na yéwɛ ɬin to alɔ Jiwheyɛwhe ɬon lɛ kɛdɛ mɛ wutu. Podɔ ná míwɛ ɬon, kavi nado zín awɔntɛn do owè fɔtɔn-fɛnɛ-kɛnnɛ e lán fɔtɔnnukun-awetɔ (1977) ji, ehe ji yèdɔ e ma ɬɛ yín nɔvisunnu Branham kɛdɛ wɛ zín awɔntɛn do e ji gba, adavo mɛdevo lɛ ga, ma to azón de wà hú azón vivɛ awetɔ he yín awuwiwé mítɔn to Oklunɔ mɛ, na mí nido yì pé É to whenuena Ewɔ na lɛgòwá, bɔ míwɛ nasɔ yì pé Asisúnɔ alindɔn mítɔn lɛ ɬon.

Do ayi e go, Paul po yise agùn tintan ɬon lɛ po ko to tenɔpón koléwá Oklunɔ ɬon dote, na pagbè lɔ to didɔ, dɔmɔ, “*Yɛn jei nado wléawu oɬɛn de ɬon dai na mì. Eyín yɛn yì bo wléawu oɬɛn de ɬon dai na mì, yɛn nasɔ lɛgò, bo hɛn mì yì dɛ de; na ofi he yɛn te wɛ mì na nò ga*” (JOHANU 14:2-3). Dinvie, to gbémima agbasa mɛ ɬon kavi to gbigbɔ mɛ ɬon mɛ, mí dóna nò wunzɛn titegbɛ. Eyín yè dè yɔpɔvu lɛ na wehòme, mì nɔ do yé hlan; mɛhe nɔ plònnú lɛ sɔ nɔ yanmɔna enɛ ga; mɛhe sɔgan dóhò de dóna wà ɛ, podɔ mɛhe dóna dó jinukún de dóna wà ɛ. Enɛwutu, to núyiwá aigba ji ɬon lɛpo mɛ, to titò mítɔn lɛ po núyiwá mítɔn lɛpo po mɛ, mí gbɔ na mí ni nɔnò wunzɛn titegbɛ kaka jɛ whenuena Oklunɔ na lɛkòwá.

Eyín mí jlo nado jo mídelɛ hlan mɛhe nɔ wà kɔnta lɛ, mí na mɔ dɔ owèhèfɔtɔn-fɛnɛ-kɛnnɛ e lán fɔtɔnnukun-awetɔ (1977) wɛ owè kande-gbàtɔnnukun-awetɔ Jubilé ɬon, wɛ sɔn ojɛ he mɛ ehe ko yín didóai te gbɔn Mɔsɛ dali, podɔ enɛ lɔ nasɔ hɛn ninòmɛ didiɔ titegbɛ de wá otàn-hó gbɛtɔ lɛpo ɬon mɛ. Sɔn azán nɛ gbè, mí nɔ hia azán pɛvi de dɔ onú lɛpo na wá vivonu yetɔn. Whenɛnu, mí dóna payi e go ga dɔ, Oklunɔ ko dɔ, dɔmɔ: “*Enɛwutu, mì nɔ hò mìde: na mì ma yɔn azán he gbè Oklunɔ mítɔn ja*” (MATIU 24:42).

Dinvie, eyín Jiwheyɛwhe na hia jɛ yèdɔ dilɛ míwɛ lɛn dɔ ojɛ lɔ te dó, bé whenu ko yì susu. Do ayi e go, Ju lɛ na dù Jubilé yetɔn po owè Tabɛnaki lɛ ɬon po to whèjɛ, hinɛnsɔn azán fɔtɔntɔ jɛ ko-nukun-dopotɔ, osùn sɛnawetɔ ɬon. Podɔ mɛdepope matin to mí mɛ he sɔgan dètana jɛnukɔn yèdɔ núhe na jò to hùnwhɛ nɛ lɔ wiwá mɛ gba. Sɛgba

keḍedi yisenọ he to nukundó Oklunọ míton lọ, mí dóna yín ayajẹnọ nado mọ azán lọ po ojẹ lọ po nado biọ gigo mẹ.

## AZỌNHE YÈ ZÉ NA AGÙN LỌ

Dinvie, yẹn jlo nado hia Owé 2 KOLINTINU 5:14- tọn jẹ. To owéfo hele mẹ, yè dọhó dogbọn owanyin Klisti tọn he to azónwà to mí mẹ tọn dali. Enẹwutu, donanọ wẹ mẹhe na dọ ewọko tindo dọpọn owanyin Jiwheyewhe tọn tọn, yèdọ ehe sọawúhia to Klisti mẹ to Satin ji to Gọlgo-ta, to ni nọ ewọ mẹ bo sọ to ewọ lọ plán. Na owanyin Klisti tọn keḍe wẹ dóna yín gbọdeme ayiha míton tọn.

Podọ Paul ko do owanyin he lọ hia to ninọmẹ eton alopǎlọpa lẹ mẹ, podọ to kòndopọ eton alopǎlọpa lẹ po mẹ. É dlenalọdo ehe lọ dọ, “... *Omẹ dopo kú na omẹ popo, enẹwutu omẹ popo wẹ kú: podọ é kú na omẹ popo, na yé he tin to ogbẹ lẹ ma nado tin to ogbẹ sọn dinvie hlan yéde ba, adavo hlan ewọ mẹhe kú na yé, bo sọ fọntite*” (2 KOLINTINU 5:14-15). Finẹ lọ wẹ núdabla ogbẹ míton tọn he Jiwheyewhe te, yèdọ ehe nọ hẹn sinsẹn to kòndopọ po É po keḍe mẹ, bo sọ sọgan tin to dona mẹ he mẹhe pò lẹpo. Do ayi e go, mí ma yín mídele tọn gba, ẹgba Ewọ tọn wẹ mí, na Ewọ lọ wẹ flí mí gọ wutu.

Na yé he mẹ linlẹn hele to ni nọ, nọ zé núhe yè wlán do file lẹ hẹn ayiha mẹ, dọ, “*Sọn dinvie yi, míwlẹ ma sọ yọn omẹde keḍedi agbasalan tọn ba gba; yèdọ eyín míwlẹ tẹ ko yọn Klisti keḍedi agbasalan tọn dai, bé sọn dinvie, míwlẹ ma sọ yọn ẹn ba*”. Do ayi e go, míwlẹ mọ mefligò lẹ to ninọmẹ dopolọ mẹ keḍedilẹ Meḗlitọ lọ nọ mọ yé dó, nado dọ gbọn Ohùn he yè kòndai na whẹdọgbọ lọ. Ewọ flí mí gọ sọn okú si bo sọ ná mí Ogbẹ madopòdo. Enẹwutu, Ewọ sọgan nọgbẹ to aigba he ji gbọn gbèzán míton lẹ dali. Na Ewọ jlo nado do huhlọn fónsonkú Eton tọn hia gbọn mí mẹ. Aposteli lọ sọ to nukonyi bo to didọ, dọmọ: “*Enẹwutu, eyín omẹ de tin to Klisti mẹ, meḍida yóyọ wẹ ewọ: yè ko hẹn onú hóhó lẹ juwàyi; bo dai e go, onú lẹpo lẹzun yóyọ!*”. Mí yí enẹ lọ sè, mọ mí ko sọ dó dọpọn enẹ lọ tọn. Na mí sọgan dọ azán lọ po ganhiho he mẹ Jiwheyewhe pé te lọ, yèdọ fie É jona ylanwà míton po núsiwà míton lẹ po te, fie mí gbẹ aliho míton titi lẹ dai te, na Jiwheyewhe nido hẹn mí biọ aliho Eton lẹ mẹ na Ewọ. Enẹwutu, e to dandan mẹ, dọ, mí ni gbọn hó-

didọ nugbo de mẹ, ehe mẹ yè nọ lẹ pannukọn Jiwheyẹwhe te, podọ gbọn vojì yóyó he to mí hẹn zùn núdídá yóyó de dali.

Do ayi e go, míwẹ ma jẹ na enẹ lọ gba, ẹgba núyiwà Jiwheyẹwhe tọn wẹ to enẹ lọ wà. Enẹwutu wẹ aṣṣṣteli lọ do sọgan wlán dọ, “*Podọ Jiwheyẹwhe de wẹ enẹlẹ pọ sọn wá, mẹhe gbọwhe na mí po É po gbọn Klisti dali bo ko sọ ná mí devizọn owheḍọgbọ tọn.*” Ehe lọ wẹ linlẹn titegbe he mí dèson lẹnpọn nẹ lọ mẹ, dọ: É zé Ohó whẹgbọ tọn do yé he ko dọ dọpọn owheḍọgbọ tọn po Jiwheyẹwhe po to yédele mẹ. Mọwẹ Ohó Satin lọ tọn sọ tin to yé he dọ dọpọn awhàngbigba Satin lọ tọn lẹ mẹ. To ofi, náyọnẹn depope matindo pinpen mẹ de gba, podọ linlẹn depope kavi tùnmẹ yisenọ depope tọn ma sọgan wázọn gba. Enẹwutu, Owẹn Dagbe lọ wẹ yín dọ: “**Jiwheyẹwhe po gbẹtọ po ko dọwhẹgbọ bo ko sọ kọndopọ to Klisti mẹ**”. Do ayi e go, ewọ mẹhe dọ dọpọn owheḍọgbọ tọn he lọ po kọndopọ tọn he lọ po kẹde wẹ sọgan dọhó owẹn awhàngbigba Gọlgota tọn lọ tọn hlan mẹhe pò lẹ.

To whenẹnu, Jiwheyẹwhe ma sọ to ylando depope hia do okọ na mí ba. Na É ko jona ylando lẹpo, bo ko sọ zé do mí mẹ yèdọ Ohó whẹgbọ tọn do Ewłosu po míwẹ po sẹnşen. Whenẹnu yisenọ mọtonhunkọ lẹ ma sọ nọ dọhó yédele titi tọn, kavi núplọnmẹ alopá de tọn gba, adavo Klisti tọn. Na yé nọ yọnẹn dọ Jiwheyẹwhe to Klisti mẹ ko gbọwhe hẹ aihọn hlan Ewłosu, dilé yè wlán ẹn dọ to Owé 2 KQILINTINU 5:19 tọn mẹ, dọ, “*Jiwheyẹwhe tin to Klisti mẹ, bo to whẹgbọ hẹ aihọn hlan ede, bo ma sọ to ylando yetọn hia hlan yé gba; bo sọ yí ohó owheḍọgbọ tọn hlan mí*”. Dinvie, ojẹ lọ ko sọ, yèdọ ehe mẹ Jesu Klisti, kẹdeḍi mẹwhèdo-satingo lọ, dóna yín whiwhè to yóyó jẹ mẹ to nukun mítọn lẹ mẹ. Na awhàngbigba Satin tọn lọ ma sọgan sọawúhia to fiedepope adavo to fie Jesu Klisti yín didohia to Satin jì te. Enẹwutu, mí dóna mọ Ẹn, bo na yọnẹn dọ É ko kú na mí, dọ É ko dè ylando mítọn lẹ sẹ, podọ gbọn okú Eton he nọ dè ylando sẹ dali, mí ko mọ jona ylando mítọn lẹ tọn yí, podọ gbọn yise mítọn to Ewọ mẹ dali, mí tindo Ogbẹ madopodo.

“*Enẹwutu mędagun na Klisti tọn wẹ míwẹ, di Jiwheyẹwhe tẹ to mìwẹ vẹ gbọn míwẹ dali: mí vẹ mì na Klisti tọn wutu, mì ni yín męgbọwhe hẹ hlan Jiwheyẹwhe.*” Do ayi e go, Ohó Satin tọn lọ yín huhlọn de na yé he yí yẹwhehó lọ sè lẹ kẹde. Na Jiwheyẹwhe nọ dọhó gbọn yé

he ná otó Ohó Etọn lẹ dali. É sọ nọ ná whẹdogbọ gbọn yé he ko dọwhẹgbọ lẹ dali. Enẹwutu, Klisti nọ dọhó gbọn míwlẹ dali hlan yé he ko bú lẹ bo sọ ná whlẹngan yé. Mọwẹ É nọ dọhó gbọn míwlẹ dali hlan yé he tin to kanbla mẹ lẹ, bo sọ nọ hẹn yé tùnwun dọ, yé ko mọ túndote yí. Podọ É nọ dọhó hlan awutunọ lẹ gbọn míwlẹ mẹ bo sọ nọ hẹn yé nado mọdona dọ, yé ko mọ azònhẹngbọ yí. Podọ hlan madógannọ lẹ, É degbè dọ: *“Mì dotu, na yẹn ko gbawhàn aihọn tọn”*.

Do ayi e go, Agùn Jesu Klisti tọn to aliho winyan tọn sisósisó de mẹ gbọn to ojẹ heleşẹ mẹ, podọ gbọn klandowiwé mẹ, na awhàngbigba pipe Jiwheyẹwhe mítọn tọn lọ nido yín didohia. Podọ jẹnukọn, Oklunọ mítọn Jesu ko dùto ylando ji gbọn awhàngbigba Satin Gọlğota tọn tọn dali, Ewọ ko dùto awutu po okú po ji. Ewọ gbọn opa Jẹsemani tọn mẹ yèdọ to tukla lẹ mẹ, Ewọ sọ hóavùn to odẹ po ovèvivẹ po mẹ. Podọ to ninọmẹ nẹlọ dopolọ mẹ wẹ Agùn lọ sọ to nukọnyì te to dinvie to aliho lọ ji. Podọ jẹnukọnna awhàngbigba Jiwheyẹwhe tọn godogodo tọn, podọ whẹpo vivọnu nado wá, yèdọ taklina podọ nado şion ojẹgbàkúnna azọn Jiwheyẹwhe tọn to núdidá yóyó lọ mẹ, ehe ko bẹ po Klisti po, yè dóna gbọn gbigbà sisósisó de mẹ, yèdọ gbọn avósinsán mẹde-titi tọn po mẹde-gbigbé pata-pata po tọn dali: na mọwẹ omẹ popo dóna hẹn satin etọn titi nado hodo Oklunọ.

Do ayi e go, ahọludu de matin eyín yè ma jiya, kavi awhàngbigba de matin eyín yè ma hoavùn. Dinvie, Oklunọ tin to awà mítọn ji, mọwẹ míwlẹ lọsu tin hlan dali Etọn dó. Podọ Ohó Etọn, yèdọ Ohó Satin tọn lọ po Ohó whẹgbọ tọn lọ po tin to míwlẹ mẹ. Enẹwutu, owanyin Klisti tọn to mizọn-mizọn do na mí, sọmọ bọ mí jlo nado dọ hlan Togùn Jiwheyẹwhe tọn, yèdọ núhe É dọ na mí to ojẹ he mẹ lẹpo gbọn Gbigbọ Etọn po Ohó Etọn po dali. E ma yín to Agùn he kẹdẹ mẹ gba, şigba to ofi popo, na yisenọ nugbo lẹ nido dó dọpón núhe Jiwheyẹwhe to wiwà to ojẹ he lọ mẹ tọn, podọ lé É to azónwà dó.

Mí yín dagbenọ dọ mí mọ jọmìon to nukun Jiwheyẹwhe tọn mẹ sọmọ bọ É hẹn mí mọdona aliho Etọn lẹ, bọ mí sọ yín máhẹtọ to núhe É to wiwà lẹ mẹ. To asiko lẹpo mẹ, yèdọ whenuena núyiwà he yè magbè yetọn lẹ dóna sọawúhia, Jiwheyẹwhe ko degbè nado plán Omẹ Etọn lẹ. Na Ewọ lọ Dopolọ to osọ, egbé, mọwẹ podọ kakadoi.

Do ayi e go, mí ko dó dọpọn dọ É nọ dọhó hlan Agùn Eton blebu, podọ hlan omẹ dopodopo. Mí ma sọgan lá núhe Oklunọ to wiwà to “Agùn Klefẹldi tọn mẹ, podọ mí ko sọ dó dọpọn dona gbigbọ mẹ tọn lẹ tọn. To whenenu, mí nọ jlo nado dọ hlan mẹdele dogbọn dọpọn nele tọn dali, na yé he ko gbàpé lẹ nido yín máhẹtọ to pinplan azọn Jiwheyewhe tọn tọn mẹ. Enẹwutu, mí dóna payi e go dọ, núhe yè dọ lọ ma yín ohó didọ agbasalan tọn he yè na hiajẹ kẹdẹdi ohó Oklunọ tọn de poun gba; şigba nado dọ jẹnukọn, dọ, Oklunọ nọ dohia gbọn núnimọ mẹ, yèdọ núhe e yín, podọ to enẹgodo, yè nọ lá owẹn de gbọn gbọdeme Gbigbọ Wiwé tọn dali. Do ayi e go, e sọgan sọawúhia gbọn Gbigbọ Wiwé dali, dọ, yè lá owẹn de hlan mí to ogbè devo de mẹ, podọ to godo mẹ, gbọn gbọdeme dopolọ dali, núniná gbètùnmẹ tọn nọ detana mí to ogbè mítọn mẹ. Kándeji núdohiamẹ wiwé lẹ tọn to şenşen mítọn ma yín hinhenşẹ gbọn onù omẹ awe tọn atọn tọn mẹ gba, şigba gbẹtọ kanwe-ko donu sọha de sọgan dèkunnu onú nele tọn to owè lẹ blebu mẹ.”

To azán kòtọ osùn şidopotọ, owè fọtọn-fẹnẹ-kènne e lán fọtọnnukun-dopotọ tọn mẹ, to whenuena mí ko dótọ yewhehó nọvisunnu Branham tọn de vọ, Oklunọ dọhó hlan mí, dọmọ: “Omẹ Şie lẹ emi, bé mì mọ, lé wẹ Gbigbọ Wiwé dọ to şenşen mítọn! Bé mì payi Ohó Şie he mì ko sè to ojẹ he lọ mẹ go, yèdọ ehe Yẹn ko dọ do ayiha mítọn mẹ? Dinvie, mì ma lẹn nado zé núdepope whlá blo. Na eyín Yẹn kàn núşiwà nele biọ ylandonọ lẹ, nẹmunẹmu wẹ Yẹn ma na kanbiọ húgan mọ to alọ dódónọ lẹ tọn mẹ? Podọ eyín mì ma jlo dọ enẹ lọ ni sọawúhia to whẹhọ Şie mẹ, enẹ lọ dóna yín hùndohia to ofi. Bé Gbigbọ Şie ma ko gbé núde sọn whẹwhẹwhenu? Enẹ wẹ: Ayọdide, ogalilo, wantuntun, wẹ Gbigbọ lọ dọ to şenşen mítọn. Enẹwutu, owè aihọn tọn he yín linlẹn mítọn lẹ tọn lẹpo yín nukun zé do Odàn he to linlẹn mítọn lẹ po núdọnnú mítọn lẹ po blu.

Şigba Yẹn to klándowiwé biọ sọn Omẹ Şie lẹ de, podọ na Gbigbọ Şie nido jẹgodona mì to linlẹn mítọn lẹ po azọn mítọn lẹ po mẹ. Na Yẹn mọ núhe mì ko wà lọ, mọwẹ Yẹn sọ sọgan dọ susu hlan dopodopo mítọn lẹ, yèdọ omẹ dopodopo, na e ma yín gbẹtọ lẹ de wẹ mì wá gba, adavo Hin-hón Şie kọn; podọ gbọn Hinhón Şie he nọ sọawúhia dali, Yẹn mọ hlan dopodopo mítọn. Dinvie, Yẹn na ná pọndego de to egbé he na osi nido sọawúhia omẹ dopodopo, bọ mì ma nado nọte dọ Yẹn ni ylọ oyín mítọn

gba, şigba na m̀ nido wá Nukun Şie bo sọ dẹ̀ m̀de...” Do ohó nẹ̀ lọ̀ jì, m̀he yè ko dohia gbọ̀n ǹmimọ̀ dali lẹ̀ yín yiyọ̀ gbọ̀n oyín yetọ̀n lẹ̀ dali gbọ̀n dọ̀dai dali, yéwle sọ̀ gò gbèzán yetọ̀n do titò mẹ̀ to Jiwheyewhe nukọ̀n podọ̀ to gbẹtọ̀ lẹ̀ nukọ̀n. Enẹ̀wutu, mí omẹ̀ pọ̀ dóna klán mídele do wiwé m̀lenm̀len hlan Jiwheyewhe, bo nasọ̀ biọ̀ jomìọ̀n Oklunọ̀ tọ̀n nado yigbè ǹuhe linlẹn he yín dido agbàn na lẹ̀ tọ̀n, nado gò enẹ̀ lẹ̀po do titò mẹ̀. Humọ̀, Ewọ̀ sọ̀ dọ̀, dọ̀mọ̀: “... hiẹ̀ ma ko yón ǹuhe hiẹ̀ dóna yigbè yetọ̀n lẹ̀po gba... Podọ̀ linlẹn towe lẹ̀po ko yín didohia hlan Mì, mọ̀wẹ̀ ylando towe lẹ̀ lọ̀su ma sọ̀ yín whiwhla sọ̀n Nukun Şie gba. Bé m̀ mọ̀dona? Na ehe lọ̀ wẹ̀ bibènu to şenşen m̀tọ̀n! Podọ̀ m̀he na gbésọ̀ to agòjẹ̀ do Gbigbọ̀ Şie jánwẹ̀, Yẹn na ylo ẹ̀ tónjẹ̀ gbaungba gbọ̀n oyín etọ̀n dali wá ofi. Podọ̀ m̀ yón ehe dagbedagbe, dọ̀, to agà finẹ̀ ga, yè na dè asli m̀tọ̀n lẹ̀ tónjẹ̀gbonu, eyín m̀ ma jlo dọ̀ e ni yín mọ̀ to ofi.”

To azán nẹ̀lẹ̀ mẹ̀, Gbigbọ̀ Jiwheyewhe tọ̀n hẹ̀n azọ̀n de şẹ̀ to sisósisó de mẹ̀. Na É jlo nado t́n mí dote, bo nasọ̀ dè mí jẹ̀ m̀dekannu sọ̀n diho agbasalan tọ̀n dopodopo po gbigbọ̀ tọ̀n dopodopo mẹ̀. Kẹ̀dẹ̀dilé Paul dọ̀ dó, dọ̀mọ̀: “*Enẹ̀wutu lé, mí tindo opagbè hẹ̀lẹ̀, mę̀yiwanna wivẹ̀ emi, m̀ gbọ̀ mí ni klọ̀ míde sọ̀n diho agbasalan po gbigbọ̀ tọ̀n lẹ̀po po mẹ̀, bo sọ̀ hẹ̀n wiwé sọ̀gbè to osi Jiwheyewhe tọ̀n mẹ̀*” (2 KOLINTINU 7:1).

Míwle ko tindo opagbè daho daho Jiwheyewhe tọ̀n lẹ̀, mí ko sọ̀ yín yiyọ̀ gbọ̀n gbèdidè Jiwheyewhe tọ̀n dali dọ̀, omẹ̀ yiwanna lẹ̀. Enẹ̀wutu, dinvie wẹ̀ whenu klándowiwé tọ̀n, nado tónjẹ̀gbonu sọ̀n diho agbasalan tọ̀n po gbigbọ̀ tọ̀n lẹ̀po po mẹ̀. Na gbọ̀n ninọ̀mẹnẹ̀lọ̀ kẹ̀dẹ̀ dali wẹ̀ klándowiwé sọ̀gan wàzọ̀n to mí mẹ̀. Na yè wlán ẹn dọ̀: “*E yín klándowiwé matin mę̀de ma sọ̀gan mọ̀ Oklunọ̀ gba*”.

Godo he Gbigbọ̀ Wiwé ko plán mí gbọ̀n ǹúdabla sisósisó po linlẹn Jiwheyewhe tọ̀n lẹ̀ po mẹ̀, gbọ̀n ǹúdohiamẹ̀ Ohó Etọ̀n tọ̀n mẹ̀, É to azọ̀n-wà to dinvie nado yí klándowiwé sisósisó de zán to gbèzán yé he jlo nado nọ̀te to Jiwheyewhe nukọ̀n lẹ̀ tọ̀n mẹ̀. Do ayi e go, zinzán depope matin hlan m̀depope, yèdọ̀ ehe ewọ̀ na yí zán jẹ̀nukonna dọ̀pọ̀n he tindo po Oklunọ̀ po gba, kavi ehe yín hódidọ̀ dogbọ̀n vọ̀jì yóyọ̀ lẹ̀ tọ̀n dali, kavi dogbọ̀n baptẹ̀m Gbigbọ̀ Wiwé tọ̀n dali, kavi dogbọ̀n dona he mí ko mọ̀ yí tọ̀n dali gba. Dinvie, Oklunọ̀ lẹ̀ degbèna yisenọ̀ lẹ̀po nado biọ̀ klándowiwé po lẹ̀wé pipé po mẹ̀, podọ̀ to osi Jiwheyewhe tọ̀n de mẹ̀.

Whẹpo pagbè godogodo tọn lẹnido sọawúhia, núyiwà klándowiwé pipé lọ tọn dóna wá sịsẹ̀ mẹ to míwle mẹ (1 JOHANU 3:3).

Do ayi e go, ylando hóhó lọ sọawúhia to ninọmẹ awe delẹ mẹ. Tintan tọn wẹ: Tolivẹna Ohó Jiwheyewhe tọn, po dihó gbigbọ tọn po to gbẹtọ mẹ. Awetọ lọ wẹ: osẹngbigbà Ohó lọ tọn po dihó agbasalan tọn po. To Ohó Jiwheyewhe tọn mẹ, ode yín yiyọ do ayọdidè gbigbọ mẹ tọn; awetọ lọ sọ yín yiyọ do ayọdidè agbasalan tọn. Do ayi e go, mí dóna klán mídele sọn onú awe nele go mlenmlen, to ma hò gbigbọ mawé mède titi tọn pọn mẹ. Enẹwutu wẹ Oklunọ jlo nado gbà mí hànyanhànyan bo nasọ yí mí do basi núzinzán he jẹ na yeyi Eton de. To wheleponu, na gbigbọ he tin to mí mẹ po goyíyí mítọn po wutu wẹ yè do hẹn mí nado yigbè ylando mítọn lẹ tọn, podọ finẹ lọ wẹ aliglọnnú he to aliglọnna Gbigbọ lọ nado sẹ azónwà ji te, podọ na awhàngbigba pipé Satin lọ tọn ma nado sọawúhia.

Dinvie, núdepope matin he mí na gbọagba etọn, kavi ehe mí na zéwhlá gba. To alọ lẹpo mẹ, yè ko hùn onú popo dohia to nukọn Jiwheyewhe tọn, podọ eyín mí ma jlo do enẹ lọ ni yín hùnhùndonuvò to whẹhọsa Klisti tọn mẹ kẹde, bé whenẹnu mí dóna hùn i dohia to ofi dote. Yẹn yọnen do ali sinsinyen de wẹ enẹ lọ, ehe yín aliho mẹteti gbèdai tọn, yèdo aliho winyando mẹ tọn de; sịgba aliho Jiwheyewhe tọn wẹ enẹ lọ to yínyin hlan mí to whenẹnu. Na donanọ wẹ omẹ lọ, yèdo mẹhe jlo na tindo jomion nado dibusi enẹ lọ: Eyín e ma yín mọ, bé ewọ ma sọ sọgan lẹnvọjọ gbèdé.


Mí jlo nado mọdona to vlẹkẹsi de mẹ, do, e ma yín onú daho lẹ wẹ mí to wiwà gba, adavo onú pẹvi lẹ kẹde. Do ayi e go, tolivivè sẹ sọn osẹngbigbà Ohó de tọn mẹ, yèdo ehe mí ma nọ hiajẹ po kandeji de po gba. Enẹwutu, mí dóna yọnen do gbigbọ devo de tin he yín whiwhla to godo na tolivivẹ dopodopo, podọ mẹhòba de sọ jẹ godona enẹ lọ. Gbọn enẹ lọ dali, mí nọ zé mídele do huhlọn kẹntọ lọ tọn glọ bọ ewọ sọ nọ tindo ašẹpipa de do mí ji. Podọ ehe yín ašọdidó mítọn tọn, Oklunọ ko do alihia mí. Whlasusu wẹ nọvisunnu Branham ko dọhó enẹ lọ tọn to yẹwhehódidọ etọn lẹ mẹ: nawẹ nọyionnu ehe, solé ewọma tleyọn whànpe depope, dóna whédo to Oklunọ nukọn dogbọn ašọdidó he é dó nado dọn linlẹn sunnu lẹ tọn do ede ji, bo sọ hẹn yé nado dèayọ hẹ ẹ to linlẹn

yeton lẹ mẹ. To yẹwhehódidọ nọvisunnu Branham ton lẹ mẹ, Gbigbo Jiwheyewhe ma gbọawupo nado to enẹ lọ dọ gba, bọ Ewọ ko sọ jla-homédóna mí vivevive dogbon enẹ lọ dali to ojẹ he lọ mẹ. Dinvie, yẹn jlo nado vọ ohó homejladó ton lọ dọ to ofi bo nasọ vẹ nọviyọnnu lẹpo to Oyín Oklunọ ton mẹ, nado sọnú dagbedagbe ma nado jẹlá sọn Ohó lọ mẹ, to ninọmẹ wiwé de po osi po ton mẹ, yèdọ to ninọmẹ ma nado hẹn sunnu lẹ dèayọ gba.

Yẹn mọdona hézéhézé dọ, to lilá ohó homejladó ton he lọ ton mẹ, mí ma na zán linlẹn yisenọ lẹ ton he ma sọgbè de gba. Şigba yẹn yọnen dọ yé mẹhe yè dè na béyilon mẹ lẹ na yí ohó homejladó ton he lọ do vive mẹ, bo nasọ jo yédele do nado yín kinklándowiwé sọn diho agbasalan ton po gbigbo ton po mẹ, nado tin to lẹwé pipe de mẹ, yèdọ kẹdédilé Ohó Jiwheyewhe ton jlo sọn mí de dọ. Do ayi e go, e ma sọgbè na mí nado tẹdo jọmion lọ kẹde go gba, adavo na do zé Ohó Jiwheyewhe ton dopodopo do vive mẹ. Na mẹhe dọ dọpón ojọmion ton lọ ton, nọ kẹaloyí huhlọn nado zé Ohó lọ hẹn to azónwiwà mẹ ga, bo nasọ hẹn ojlo Jiwheyewhe ton şẹ to aigba ji fi dote. Na Jiwheyewhe ma to núhe mí ma sọ wà de biọ sọn mí de gba. Na mẹdepope matin ehe ma kúdiho to ninọmẹ de kavi to awetọ mẹ gba, bo ma wàylan to linlẹn eton lẹ mẹ, kavi to ohó mẹ kavi to wiwà mẹ gba. Mọ mẹdepope matin he sọgan dlán zannu tintan kavi dlẹnalọdo omẹ devo depope gba. Enẹwutu, na omẹ dopodopo ni dindona ede to Oklunọ nukon, bo yigbè nùşiwà eton lẹ ton po ylano eton lẹ ton po, bo ma yín mẹdevo lẹ ton gba. Do ayi e go, owanyin Jiwheyewhe nọ şinyonnúdo ylano susu, dọ whenuena yè ko yigbè popo ton vọ, ojọmion he nọ hẹn jonaylano wá nọ sọawúhia to gbèzán míton mẹ. Enẹwutu, Oklunọ jlo Agùn he ma dọ diho kavi ehe ma gbì ton, podọ mọwẹ Ewọ na do E hia hlan Ẹn dọ, na mọwẹ Ohó Eton dọ.

Azónyiwà sọn Jiwheyewhe de.

Nọvisunnu Frank

A handwritten signature in black ink that reads "Bro. Frank". The signature is written in a cursive, flowing style with a long horizontal line extending from the end of the name.

## **MISSION-CENTER**

Postfach 100707

D-47707 Krefeld

Germany

**E-mail:** [volksmission@gmx.de](mailto:volksmission@gmx.de)

**Homepage:** <http://www.freie-volksmission.de>

## **Gùngbè**

Sọ̀n agùn Message ̀ton he yín: “Owẹ̀n Jesu Klisti ̀ton hlan Asivu Eton to ojẹ̀ godo ̀ton mẹ́” he tin to Sogunro, Pedro, Iwaya, Yaba, Lagos State (Nigeria) mẹ́ wẹ́ owé he do yín tuntùnme te, yèdọ̀ sọ̀n Anglais mẹ́ do Gùngbè mẹ́. Podọ̀ eyín mẹ́de tindo hudo wéma he lọ̀ ̀ton, kavi núkànbìọ̀ de, na é ni wlánwé sẹ̀do adlẹ̀si hejẹ̀:

Email: [Gungbebrochure@gmail.com](mailto:Gungbebrochure@gmail.com)

Phone numbers:

(+234) 7059363299

(+234) 8132994760;



**GB**  
**GÙNGBÈ**